


中州文表

馬石田
竹



...

昌 欽 謨

馮文貞公

五言古詩

壯遊八十韻

十五讀古文二十舞劍器馳獵溱洧間已有丈夫氣
累糧上嵩高靈竒發天縱輝三秀枝為我擢繁翠
空青丹銀品伏龜鏤文貝駢羅星辰精附麗日月會
紫鳳友朱鷺翮翮劇翔戲飛閣舒鳥翼懸泉瀉珠琲
磨崖見古刻應是列仙記捫蘿欲登觀苔滑阻凌厲

內集

...

...

湯

惠

寫

烟霞蒼蔚隋霧雨蕭颯至余時戴籜冠綠壁照縞袂
 擅栞有盤石真人每同憇北臨黃河水濁流觸天沸
 蛟龍逐鼉鼉鱗介滿水裔衝波崩金堤萬夫廢穡事
 官家憂且勞玉馬歲沉祭江淮畫鷁船夜上詞嘒嘒
 魚鹽不直錢婦豈拾穗釀酒相呼飲顛倒再拜跪
 中心忘嗔訕縱談詆漢魏三十能歌詩鄙薄雕虫技
 不肯學仕宦慷慨負高義持錢送酒家觴至即一醉
 羹芼鮮谷筍飯煮山陽糝戎冠擬魯儒短衣真楚製
 遠行探日九六月剖丹心峽嶂洞庭彷彿蒼梧帝
 江左佳麗區紅婦紅白細唱歌攪人心不可久留滯

汧淮達汶泗摩挲泰山礪聖鄉有亡書求道亦容易

童子媿瓜負負里里麒麟麟京國天下雄豪英盡一世

舞羽肅文教橐甲飾武備馬跡見騰塵車轍聞戛轉

暈騫天觀起鱗雜并屋綴千畝開靈潢馴象浴其泖

我皇拓文場群髦咸戰藝泊子黔婁生言辭罔締繪

但幸晁董死收拾在等第臚傳下闔闔恩澤承滂沛

春雲覆林塘雜花懸火齊詞垣正舒華吹竽獨無喙

執筆御史府羞縮如牡蠣彈評則春秋齟齬失剖劓

問俗西夏國駟過流沙地馬嚙首蒂根人衣駱駝毳

鷄鳴麥酒熟木柶薦乾薺浮盪天竺學焚身取舍利

安定昆戎居貪鄙何足貴返途歷邠岐原田表古曠
 宛宛陶穴民艱難謀樹藝驅山塋秦魄茂陵迷漢寤
 黍離悲故宮脩竹徧清渭日入狐狸驕天陰蟠螭翳
 溫泉出津陽古瓦識唐字關河隔山東華岳秋更霽
 首陽餓夫薇霜露已憔悴鑄牛挽浮梁恍惚水所噬
 晉俗棗齒黃冀馬電蛇駛井陘阨坤維大行逼象緯
 煌煌日圍近赫赫天人瑞田舍植汶篁郵亭擷吳桂
 優游逢化國俯仰詠樂歲豈用百二險乃自十一稅
 北者上中巡扈蹕浮雲騎宴鎬帳殿移拜洛周廬衛
 崑空山櫻繁川曲紅紫膩列障敕勒塞萬里靜烽燧
 九節菖蒲良貢匪亦繁餌疇昔閉戶居耽讀未見此
 三年不_行自謂五經笥四十得俸祿僅可給羹結
 誰能薄淮陽不作鴻臚寺簡書畏懷歸孤矢示
 振鷺方擢質冥鴻忽垂翅感嘆對囊螢興言方
 諒非廊廟具頗異市井輩當曳鄒陽裾願擁文
 贈客

疊巘擢蒼蔚繁英粲紛葩銀繭霰已積翠幢栢方進
 劇飲肆家縱清談宴賓嘉叫嘯虎當崑趨蹌鶴行沙
 聯娥聘趙女貫珠唱吳娃露庭汎蘭蕤風閨透幽紗
 魚泳文波圓禽翔喬嶽斜逸樂諧金石清真况烟霞

三百二十个
洗藥秋汲澗種林春燒畝寓言託莊列潛心著義
所貴立園賁終然心匪遐

讀陶潛詩

伯夷耻粟餓屈原避讒死獨有柴桑翁一不失張弛
所以百世下風流激頽靡遐觀八極表衰榮何足

送袁伯長歸浙東

龍角不如犀常不生馬廐麟趾不如牛終當在君囿
我行泰山阿日觀望潮候見子被雲服家居夾靈鷲
揖之不允近跂慕塵光後

貢待制文脩撰王都司同賦牡丹分得色字

名都擅穠華奇葩紛翳赭頰暈紅紛艷囊垂挂蠹蝕
初疑沉澁下斬展蒲萄織仙綬曳雙環么鳳盤六翼
粲粲春奩瑩晶晶風燈直可怜昭容袖縹緲見顏色

齋宿太社署

朱門屹南起金水經北流繚垣外旁達周屋內廣脩
圭玉承瓊藉碧鏤飾衣篝中壇土五色夏松露浮浮
改容事明神豈謂茲淹留

古意

秋羅畫雙蝶涼練透紅綃攀紆翠壁積騰挈鳳盤翹
公子高宴集水閣芙蓉堦來禽丹砂紅石蜜春冰消

歡情光景洽壯意風雲飄所期國士知豈謂真人招
苦寒 三首

肅肅歲已宴冽冽冰霰集寒雲光不流槁木鳴日夕
挾纊處南戶嚴稜坐相襲端然成離居企念釋陽復
其二

南戶日頗暄居獨意亦適觀物契妙道含情想真識
靜囂理雖殊造定趣乃一古人不可求茲焉寄游息
其三

日精赫重光午景延冬暄真見煦物功始覺陽道尊
玄冥歛時肅衣被元氣温鼻端有消息守此觀化尔

報春堂

青陽布仁德萬品含景滋人道貴一大施終三
遲遲春暉和寸草為生資聊觀孟氏一軌攷生

古詩

繾綣憂腸興觴至不能醕高飈揚塵沙倏然滿戶竅
冠履對孔經蠅亦集堂突淹留藉君子相訪一晤笑

擬古

崇臺拂繁雲阿門陰廣路上有彈琴女文車被烟霧
玉食薦翠盤一瑤草露鄙薄貧士妻終歲弄機杼

素賦

叶風應青
魏御南其翰生榮兆植物民氣趨和柔
三農興歲功銚鑄日以脩云胡司寒神正月行歛收
獵獵驚颺來壯士晝索裘水梁阻沃漑龜拚橫大疇
穡事忽愆時誰與飢餓謀得見吹律衍吾將迎道周

其二

歲律啓璇室天家授人時嘉生達勾萌厚德宣靈祗
玄功既旁被吾人亦咸宜曩在閉關日商旅車不脂
瑟縮謹蓋藏宛宛如蚌龜茲遇孟陬月遲日載景熹
春酒續古意游子求履緼豈悅草木華所貴陽道施
陽道一以施衆美俱無疵

幼安御史南游

辭官
月光
含情適尺
小可窮君子尚高義賤物不戕躬
弓旌或南出求子江水

田間

甲田
桑同垣列苑柳居然成農耕林廬頗完好
朋從時往過牀頭
酒意氣每酣適仰視北有斗
豈知念湘纍那復
丈夫貴立志文字託永久

維輞川別業詩圖

野水已平野田已無滕日夕華子司狐狸上丘陵
高人茲為土畫墨飛
坐凝空餘古韻
彷彿金石興

飲酒 二首

簡經有重訛折衷無權衡黎庶有言困救茹
可平
昔者賢聖之屯定蹟其身蹟身不之龍蛇且能伸
棄置姑飲酒陶然會天真萬物各遂性雜沓向我陳
其二

左哉寡諧合蒼髮禿不齊觴至即飲之猶恐逢訶詆
衆人以儒進我不限吏資入官養交譽惟恐不合
笑作雅詠遭罵亦詭隨出入踐華要誣謗成其
積階漸崇貴剽獵章句辭鼓頰說古今證據稱云
世豈可誣小夫甘自欺興言之發喟嘆飲者終不

蔓草不除

大夏萬物長蔓草多華滋勾芒發茗穎苞實各及時
賴爾有野意使我情悅怡誰云田中殖嘉穀亦如茲

端午効六朝體

脩篁發秀林圓荷疊芳池采絲擷露縷紗縠含風漪
麤賓應樂律端陽正歲時馥馥蘭湯浴灑灑蒲酒持
漢宮闔草戲楚船張水嬉江心鑄龍鏡好用照湘纍

田居二詩寄元參議

積潦被原田潄水滿陂塘具我錢罇器剗稽飼牛腸
周垣無不完南東植柔桑欣欣條枝發向日欲奮張

衆草還芊芊朝雉鳴陽岡始口 伺畚去取糞城邑旁
敢辭作勞苦但願筋力强

上馬作將軍下馬作博士服賈真無良蓐食勤稽事
王朝列公卿田稅豈十二同里相勞勉牛種更貸貫
雖無凍餒憂未可悅親志親志在光榮祿養乃始貴
為詩獻儒宗秋獲見稔歲

初日詩二首

初日照我樹我樹日華滋檀欒綠陰合四顧無曲枝
盛暑熾煩歎其中有涼颼成林蔭千畝棲息任所宜

其二

初日照我書我書在東牖赫矣先聖言天地才
秦火雖燎原其灰為世壽人文待茲成老死學五

飲田家留題

田家酒初熟邀予坐籬根我復不辭飲喧譁輒傾樽
耳熱歌擊缶雜坐忘早尊論古似嘲譎顛倒義與軒
禮容或稍稍愛此情義敦丘原正春意歸路花柳繁
翻翻鳥飛去悠悠寄情言

史館閑題二首

騎馬到書省冠佩趨几筵豈但文字美所樂長官賢
京國足府寺金穀相百千書日雜還奔命懇不先

肅肅館閣嚴操觚績簡編上有日月光下有草木妍
森羅大象列俟此言語宣蹇予昧儒學群髦辱官聯
遭逢賴明世益喜身攸然

畫省真仙居華屋映丹樹青石倚闌干松髮沐雲霧
綺疏刻連錢承塵畫翔鷲中有河漢文夜深寶光聚
玉函黃金鑰太史自待御河上一豎儒伊吾誦章句
偶趨彤庭詔詞林邇天路雖樂文雅懿終慙紬繹誤

奉和王儀伯叅議龍門

衆鎮列方國茲山入世最霄隱雷鬱夜壑奔激劇春潮
跋鼈不可升負鼇詎能超媯鍊役萬神禹鑿勞百僚

我行當晨興鷄鳴馬蕭蕭用歸焉見閭闔烟雲限紛囂
所樂鎬京從敢賦淮南招攜辭造鷓行藻思芳年彫
飲酒輒亦醉汎汎風鷗飄日畿夫容衢玉輶九天遙
高詠青霞篇翹首扶桑朝

擬古

驅車上疾阪六馬汗滿溝解航下急瀧百夫不能留
微機有逆順無用卜筮謀車遲或可安航速或覆流
送別李彥方憲副之官

昔在翰林日與子同官聯出入文史間篇章雜朱玄
飲酒學士家走馬大道邊各不識時貴浩氣超八埏

三百二十九
今效兩禿翁短髮咸被肩睽違諒不樂國憲屬持宣
八州多疲氓豪吏爭控拳擊搏并吮姬所施務兼全
期子上報政慰我心惓惓

種桃

種桃南山麓三歲不得實種瓜東郊園擷之在百日
豈於思遲暮終焉有常食如何種瑤草千歲始一獲
王繼學同張學士壽寧宮祠宿奉寄一首

永日坐虛館晏然有餘清迤運違世器冲融叶道情
脩管文賦成歌詩藻思生涼颺入書幌逍遙命觴酒
披拂有庭花山石可擊拊下階就步武布席思我友

我友不可思方與神仙期我我華陽中左右委佩垂
夜半登玄壇象緯光陸離天門倘有遇為我含景滋

穎郡

孤城介汝穎四野盡衍沃梁楚異風氣沉頓錯封域
昽昽墳壤美宜我稼稻粟居民尚朴儉遺邦頗文物
邈哉宋兩公當年擅高躅至今風月夜西湖有鳴玉
謁來載淮舟登高恣遊矚古老不可問聲華竟誰續

昌平道中次繼學韻

清朝富文物冠蓋塞兩京角藝百技並論經千儒并
下才黍供奉肅肅齋館清朝出都門道群山恆幽情

聯鑣有髦士海內馳英聲白馬嘶南風羅袍映田塍
咲我如培塿自比山崢嶸

度居庸關次繼學韻

飛鞚陟雲巘次嘗盡圖畫天風吹高寒山雨洒長夏
冥冥白鳥去寂寂松子下陸行石當塗水春泉繞舍
高與蜀道齊深迤盤谷亞筍輿約重來羸馬苦常跨
明從詠連疊酬應給閑暇得見王子喬吾將驟鶴駕

七言古詩

所過

張良廟前流水聲歌風臺下曉鷄鳴行人舟中寐復

起此生亦欲成功名白髮可憐升斗祿持歸不足求
田屋揮杯看劒獨長嘯萬里朝雲見晴木

淮安路池山

淮浦蒲花秋渺渺淮岸楊花春裊裊白魚初下酒船
來十里風煙隔飛鳥吾生欲向淮南居更聞池山好
田廬濯足滄浪箕踞坐不問朝家來聘車

寄鄉友

河邊老父念我出遠寄京華書一行謂言白髮今多
少又報南園竹樹荒門前石田秔秫熟犢子新生走
如鹿莫戀官家有俸錢長年作客身如束

送周南翁之官池陽

霏微桂藂綠霧深集仙書殿秋沉沉九華山影墮酒
醞便欲起挹青楓林青楓林高霜葉赤遙遙連雲鴈
行急蜀麻吳鹽來往時閑坐城樓聽江笛

宿興化縣界

去年七月淮水發獨乘扁舟觀禹跡今年七月天又
雨躍馬南上閩嶺石蹉跎歲時身老大瑣瑣苟祿慚
莫述白髮山中抱孔經會見青藜下天一

上京書懷

燕子泥融蘭葉短疊疊荷錢水初滿人家時節近瑞

陽繡袂羅衫雙珮光共笑江南五雜組畫鷁浮波供
角黍沙苑射柳追風駒古來北地為名區

上京劾李長吉

龍沙秋淺雲光薄畫羅宮衣侵曉着吳娃楚娘侍團
扇象輿鳳輦明珠絡椒花染紫風雨香三十六盤天
路長南都北都望行幸千秋萬歲迎君王

李夫人

未央天子香醺骨夫人不貯黃金屋水銅無光澁秋
月留得當年舊蛾綠瑤臺夜佩聲闌珊沉雲叫鴈沙
泉寒二十五弦彈鳳皇玉釵小燕飛春山

蔡州妓趙氏墜崖以死自誓作詩諷俗

鱗鱗汝水冰碧光汝之左右百草芳紅蘭紫桂媚長
晝鉤輶鳥子回銀塘芙蓉蒲無數菱葉小西家鞦韆屬
年少燕泥霽雨風景酣簾箔依稀歌笑趙氏母子
邯鄲娼綵絲繡履踏春陽心思宛轉縈雲縷羞對兒
郎唱鳳皇樂山嵯峨石生雨鄉人迎神奏歌舞婆娑
起向神祠前祝願生身事針組野風吹日雙淚零泉
聲松韻相冷冷誰言女子情愛癖誓死命輕如鳥翎
鳥翎飛上合歡樹開花夜夜無愁苦秋香不斷相思
浦小釵玉股埋黃土

秋意

銀床墜露下高桐竹練含冰留麝籠
清菊酒作碼碯紅湘娥江邊採芙蓉
月華流影天漢東素商淒清颺
微風草根知秋有鳴蛩

五言律詩

固始縣南岳行祠

往歲曾登眺今朝又謾來
山禽鳴獨樹石壁漬荒苔
水淺沙痕亂天低鴈影迴
春風吹白髮有酒且銜杯

送人之陝省幕和韻

綬帶驚沙鶴紗巾逐海鷗
驪山泉未冷華岳樹先秋

路出汾陽里衣仍晏子裘風流蓮幕美君豈歎淹留
謁告書懷

先子桐鄉地年來憶舊游山春花競發沙晚水閑流
石屋青霞夜藤床碧樹秋防身龍具在強欲問吳鈞
送董仁甫之西臺幕

西南萬里地詔屬大行臺秦樹浮天去巴江帶雪來
山河無用險邦國正須才簷幕風流美書籤想盡開
送周南翁待制

雞曙辭宮漏鷗天趁客船帝書鸞紙瑩母侍板輿鮮
林壑烟霞舊松楸雨露偏儒臣文藻劇瀧表勒高阡
華清宮故基

開元人物盡茲地尚華清古道風塵急溫泉日夜生
碑詞惟石薛宮樹有春鶯過客知王建題詩不記名
舟中

藪灌縈雲曲岡巒引霧深舟輕風疾衣薄水螢侵
夜久江喧瀨秋清竹滿林閑情任飄泊到處欲登臨
再從浙入閩

積雨關河濕今朝日始晴浮船下夜瀨覓酒近春城
鵝鴨將雛出牛羊傍母行獨憐無似客萬里又南征
崇真宮西梨花

春日梨花下相逢把臂行香痕憐粉薄酒暈惜紅輕
影動簾穿燕聲來樹度鶯共當拚一醉莫待鬢華生
明日在羅中官園池自次韻

帝里春光媚花前可獨行額黃團蒂小眉綠盡痕輕
蕩槩波浮鷁裁衣粉妬鶯却愁風信惡明日樹陰生
武當山道士贈行

幽居鑿石楹仙路接青城印字苔行鶴按金樹度鶯
飛光無短景上壽有長生星斗何曾闇玄壇夜夜明

贈廬州黃孝子

我家淮水上孝義夙多聞邑屏對華表丘園聘束纒

久嗟毛義檄一丈嘆董生文白石山中去吾將問隱君
出都

長城懷古處身在日華東水出靈龍塞山連碣石宮
沙鷗終自白霜樹忽然紅雲海鴻濛氣歸颿杳靄中
紫芝不用事

霞纈盤華盖天葩擢喬雲孕靈非有種採藻忽成文
冠矗仙裁羽纓垂女製裙原田多衆草獨爾擅網緼
贈楊洞天道人

我自不入俗君今又欲仙鳥啼百花裏屋住萬山邊
密樹雲難過空潭月易圓題詩秋卷了為說小行年

贈彈琴道士

苦竹到階深雲房豈易尋倚松聞磬韻對石振塵襟
芒屨玄壇曲瓊冠紫殿陰仙翁嫌我俗不肯坐彈琴
用韻上繼學時祠禱天寶宮

玄關松桂深長晝客來尋撫石雲生手弄泉風滿襟
鶴巢連屋角蝸迹上碑陰須信祠官美烹茶更鼓琴

徐州吊蘇眉山

城角黃樓壯蘇公骨已仙亂流無嚙石宅土有居廬
才大為時忌名高得世傳舟中卧讀賦臨水一琅然
五言七首

大行東北去形勢自天分一葦航吳越千車輓朔雲
衣冠今復盛豪傑古猶聞欲獻三都賦茫然愧不文

其二

不作還山夢因吟李杜詩平生無飽飯抵死只憂時
事實兼唐史風流揖楚辭山川舊遊處千載有餘悲

其三

王子不耐俗還山應恐遲挑燈同此夜把臂憶當時
愛我嘗懸榻逢人只語詩買田吾已決莫負耦耕期

其四

好去春山路騎驢看畫中徜徉紫芝客憔悴鹿皮翁

二百九十一
得酒寧辭醉逢人莫語窮乾坤皆古意人自不相同
其五

古意在眉宇新詩應口哦無錢贖酒得有屋喜人過
宇宙千年事功名一曲歌執鞭吾亦可稅駕欲如何
其六

聞道光山縣城南十里賒人家依翠竹野水亂梅花
應有仙燒藥寧無客艤槎行當問田畝結屋貯煙霞
其七

又是蒺藜秋浮槎繫旅輶古城空石堞平野半沙丘
自笑滄洲客還期汗漫遊明朝入衛國其上買扁舟

次韻石

老石何年有依稀蒲路傍血無人愁斂羽有客坐忘羊
戒世能言晉傳書豈姓黃補天成五色何獨柱明堂

石田山居 五首

甲子人愁雨河田麥已丹歲凶捐瘠衆天遠禱祠難
西具客還沽酒王孫自飽飡更憐鵝面黑征戍出桑乾
其二

積雨衣裳濕愁人是麥田泥將深沒馬霧欲墮飛鳶
爨火勞薪盡家居老屋穿墻根雜蛙蚓擬買繫籬船
其三

二百六十五
光山楓製錦潢浦荻飛綿林熟何論酒魚來不計錢
卜鄰多野老求藥有神仙為客留羹筍清晨步石田
其四

作客何多意淮南即是家自牽蘿屋小不正葛巾斜
書癩眠尤熟詩來酒更賒春天雲嫵媚相對坐鷗沙
其五

淮南窮僻地先世有林廬花曙鳴山鳥芥春躍岸魚
鼓琴仙度曲鍊杏客傳書朋舊如相覓休嗔禮法踈

五言排律

春行南郊

綠樹連城合蒼藤入澗懸作橋分野路取竹縛溪船
載酒誰留客看花我欲顛歌詩諧故老笑語屬神仙
自鑿蒲萄井人開苜蓿田銜櫻黃鳥哢窺藻白鷗翩
狎坐欣時俊隨行喜妙年山陰知寂寞春服且雲烟

應制壽王少傅

皇極敷多福臣工保壽耆禔身名愈茂佚老眷殊彌
疏廣金無幾邾奚子更奇堯尊沾露醴齊服剪冰絲
几杖隨春到冠巾與野宜珊瑚生海石琥珀出松脂
西掖清光漏東朝寵渥私仁風初煦煦化日自遲遲
宸詔徵歌曲被樂詞乞言方有待莫去採靈芝

送文著作往鄂州諭南使

大化均天施皇圖象岳寧宣風依日月發號布雷霆
貔虎嚴分鎮鸛鸞蔚在廷芝莖連孔廟實葉茂堯庭
珠米圓圓白樓桑箇箇青謳吟興隴畝游衍及郊坰
楚俗那三戶滇童信六經已知含煦育復此仰儀刑
使得皇華美歌應湛露聽賜衣裁錦馭官醞溢璫鉉
上國崇懷服熙朝尚德馨魚書閑粉蠹雞卜枉軺星
鄂渚翔鸚鵡燕臺念春令歸途回四牡楓樹失江汀
伯長內翰與繼學內翰聯句賦畫松詩清壯
偉麗備體諸家祖常實不能及後塵也乃作

詩美之

吳綃冰絲白素封石髮青沐華浮鶴露戢景蔽鶉星
刻畫風雲狀雕鏤鳥獸形哦詩鏘玉署集句燦珠經
燁燁舒光氣沉沉逐杳冥離歌三疊送凱奏萬鏡聽
肅穆官師位雍容樂舞庭江花春艷艷山竹雪亭亭
自咲如塵俗懷慚似酒醒無因題琥珀有去對鷓鴣
送劉侍儀祠祭北鎮

名鎮坤維左雄藩碣石邊宵明觀海日春媚袂河川
塞道迷沙磧郵亭過玉田驪驪怜駟騎襪襪費羊羶
亦有鮫人室應無鮎戶船山椒雲物異天角斗樞偏

望美祠官貴時清祀事專祝禧孚感格錫福待敷宣

挽饒國吳公

泣雨纏丹旄靈風攬素帷番君歸廟日饒國表阡時
穹石鏡仙籙華編綴誅辭山原松漏月墓道櫟生芝
諧世資清福全天樂壽耆孫聯書殿列兒侍竹宮祠
執紼嗟何及居廬願莫私明王崇秩祀歛錫待敷施

送王伯弘平章

袞職華蟲絜台堦象緯明世須先穀帛治理後章程
所貴求儒効何勞得論衡退公無候吏飲介有諸生
楓陛都俞密槐庭屬望清助耕千畝籍謝絕五侯鯖

疏傳專高節韋賢擅令名臣工商相重鄉國魯公榮
汶水春跳鮪徂松夏嘯鶯來宜思舜慕去合體堯情
尚醞隨飛驛官衣滿賜籙曹裝應再趣莫擬種黃精

秋谷平章生日

上宰儒宗重中台位望隆承天施坤北捧日照瞳矐
汾潞精靈合文章運會通鄴侯初亦昂周翰降維嵩
姬正逢陽復義車舍斗中眉毫齊紺髮仙骨烟方瞳
鸞鳳翔千仞貂蟬侍兩宮天池浮畫鷁公衮煥華蟲
造命毗元化書思沃帝聰山河尊社稷禮樂賴臣工
韓國蕃宣未高皇報施崇從來黃閣貴只屬紫芝翁

字三百五十八
中州文苑卷之五
馬仁
檻竹沉沉翠庭花灼灼紅道山藏畫象詞館轉詩筒
浴下耆英盛人間壽域同君王自養老何羨菊潭東

泉南孫氏園亭

鑿石通歸汝浮梁看浴暎鴨闌萍上整鹿柵蘚生垣
蒼筤垂旒子篔簹長竹孫書香芸辟蠹席煖錦裁鴉
交客登仙籍承家荷帝恩冰甌蜂蜜溜酒榼荔漿翻
吹簫花園屋彈琴鶴舞園海雲春有態閩雪夜無痕
誰謂衣裳懶予今杖屨煩將鬚歌月地翹首望天門

次韻繼學三首

金爵層霄外銀猊曲溢邊含香俱國士持橐半神仙

豈有遮塵手應無見麩涎地清天似水席煖蜀如綿
客送蒲萄酒人分苜蓿田書思趨豹省挾藻賦龍船

時上京自大
都移舟至誰念馮唐老為郎白首年

雞塞西寧外龍沙北極邊有天皆入貢無地不生仙
鵲玉光含水驪珠濕帶涎香清堪閉閣衣薄豈勝綿
珥筆遊黿禁扶犁占鶴田酒來揚子宅人上剡溪船
自信篇章貴能誇擊壤年

丞相晨趨漏元戎夜拓邊碧雞崇漢時丹藥監秦仙
敢謂黿頭選初逃虎口涎柳詞方濯錦雪賦已抽綿
艷艷金為屋輝輝玉滿田客身隨楚製鄉夢逐吳船

字三万四十四个 中少文三卷之三 三 星 祖 荆

所賴三階正螭坳記有年

送可升法師祠武當山

華芝三曲蓋靈馭九龍車人喜仙官至誰云帝闕賒
山神驅黑虎真侶耀朱蛇石髮松膏霧天衣雨織霞
澗青春舞藻岩紫書垂花醮席羅星斗賓筵競鼓笳
乘槎過博望喫酒問樂巴竭澤無魚豈施達有兔且
熙熙歸化域遲汝報重華

送楊仲禮江淞提舉儒學

江海雄南服衣冠重北門仗雲移振鷺船霧送翔鶴
酒屢招人飲文多與客論名高依日月道大信乾坤

官拜儒臺貴班聯會府尊齋厨還荀蒨賓所盡蘭蓀
佐吏言猶雅公庭禮不煩過家權上塚去國戀承恩
田埭觀魚子隣墻撫竹孫光榮休負弩歌鼓樂鄉村

送宋誠夫太監祠海上諸神

上聖崇明祀元臣屬有文內香開寶炷制幣出玄纁
授節臨前殿傳臚聽後軍酒清黃木廟魚祭武夷君
颺母應回雨天妃却下雲不勞風有隧猶願楚無氛
漕粟瑯琊見還珠合浦聞穹蒼天缺濔溟渤氣網緼
龍戶編魚賦鮫人織霧紋時祠光烟烟宣室語欣欣
鵬運連番舶輶歸願異群觀書會拜洛歌賦不橫汾

內集 揚 七 寫

越水琉璃靜閩花茉莉熏伏波封莫請宵旰念華勛

贊御書雪林二字為趙伯寧中丞作

聖主敷文化臺臣得寶書方員河洛出次舍日星居
禹畫州圻古義文物象初克勤資負辰躋敬賴儲胥
王錫非肇帶天光豈噐車傳家恩有渥訓德義無餘
浩浩水華潔亭亭木本踈山輝因玉潤雲氣是龍嘘
瑩爽才尤峻栽培力不虛明良須慶會動植樂舒徐
眷遇榮金匱謳歌媿石渠賤微叨下列瞻拜舞堦除

真伯生學士畫像

韋相傳經業楊門世講官箕裘君自得文字我知難

汲冢朱塗誤秦灰墨補殘黃流凝玉瓚僊露滴金盤
不肯投漫刺偏宜戴小冠近林聽竹雨臨澗看風湍
詔入蒲輪軟訶歸釣石團青山連蜀
擬卜龜呈兆將書鶴借翰風流圖畫裏方日見神完

寄舒真人

金闕來華蓋琳壇集羽衣石因鍾乳膩松為茯苓肥
劑墨香翻杵修琴玉布微天低臨象緯日近逼光輝
竹裏開長迳池邊敞小扉紅迷霞綺錯綠漲水環圍
仙杏專凝赤蟠桃萼剪緋龍來還獨宿鶴去更知歸
割蜜蜂先避銜書鳳自飛祠雷陳古磬符鬼掣靈旂

丹井泉偏冽銅盤露未晞俗人那得識詩客盡相依
伊我逢休澣從茲詠浴沂憑師消鄙吝猶可採山薇

送華山隱之宗陽宮

江閣魚龍近山房霧雨多地清天不暑池曲水無
筍籜迎書帶櫻桃送錦窠呦呦呼伴鹿嗚嗚換經
養素行編屨消閑坐織蓑幾篇滄玉法一帙醮星科
香炷沉銀葉衣裾佩紫荷丹光留海月絳景出松蘿
醉憶泉環乳幽憐石爛柯神君攀綠桂天女踏青莎
邀客登山頂尋真人澗阿洞簫吹道曲雲紙寫漁歌
予髮今如此君心可奈何高壇見明月為我問婆羅

登雨花臺

積翠生層巘凝光浴巨濤吳城花覆井楚舸竹栽篙
地近魚龍逼天空鶴鶴高野橋皆蝶蝶溪水盡蒲萄
雨石逢芝箭風林得鳳毛臙脂兒女小罨畫鬼神饕
六代都銜壁三山尚戴鼇故宮猶荏苒古樹漫周遭
仙洞歌瑤草人家宴碧桃飯香非接淅酒好不芻糟
綠霧春連閣丹霞曉暎袍攀躋忻境勝跋涉憚人勞
老我才還劣清資媿重叨採詩今有使問俗似無曹
佳麗千年最聲名一世豪歲時休澣日携手可遊遨

字百七十个
中州名賢文表卷十五
三
劉辛

中州名賢文表卷十五

中州名賢文表卷十六

內集

姑蘇劉昌欽謨

馬文貞公 石田集

七言律詩

送徐侍御之南臺

雲蓋天然拂曙橋
鍾陵松檜識南朝
臨書應憶晨趨漏
把酒何妨夜聽潮
官羨當年裁錦繡
時清今日奏蕭韶
佇觀召對通明殿
別擬題詩寄使軺

和繼學郎中送友歸越中

薊門東望海無波
誰許山人問薜蘿
雀舫春聲留水

內集
湯惠高

字二百八十一
中州文苑卷之六
徐昌列
燕鵠袍秋影動天鵝鑑湖草滿芙蓉少鄞縣潮來牡
礪多羞見京塵渡帽頂羊裘亦欲換漁簑

挽何得之先生

手織烏紗日賣錢全家閑住五雲邊伏生有女書空
在伯道無兒世共憐北市行歌花爛熳西亭坐嘯月
婵娟少微光氣今年閣知是詩隨過海船

賦王叔能宅芍藥

鶯粉分奩艷有光天工巧製殿春陽霞繒縷積雲千
疊寶盃脂凝蜜半香並蒂當堦盤綬帶金苞向日剖
珠囊詩人莫詠揚州紫便與花王可頡頏

上京詩苑書懷三首

沙草山低叫白翎松林春雨樹青青土房通火為長
炕氈屋疏涼啓小櫺六月椒香馳貢乳九秋雷隱菌
收釘誰知重見鰲峰客颯颯臨風鬢已星

門外春橋漾綠波因尋紅藥過南坡已知積水皆為
海不信踈星又隔河酒市杯陳金錯落人家冠簇翠
盤陀薰風到面無蒸暑去鳥長雲柰客何

萬里雲沙碣石西高樓一望夕陽低谷量牛馬烟霞
錯天險山河海岱齊貢篚銀貂金作籍官窰磁盞玉
為泥未央殿下長生樹還許尋巢彩鳳栖

送胡長史之瀾憲

瀾水秋濤溢尾閭外臺清政自涵虛七州課最求儒
効一府分曹責吏書冰蘖久知諧素履風霜茲復見
廉車春坊記我曾聯屬懸喜迎親侍板輿

次韻王叅議寄上京胡安常諸公

冰盤玊果進紅消九部新聲擬奏韶洛宅土中諸國
會甘泉天近從臣朝仙官鳧至應飛鳥廉吏珠還豈
織綃早晚秋河烏鵲度彩霓千丈不須橋

次韻王編脩送彭道士南歸

故山松老鶴知年歸寫丹經帶槩鉉鍊杏春林求水

碧步虛秋館佩山玄石鞭海上無精衛花發江南
杜鵑一曲鑑湖何處覓我今騎馬似乘船

贈陳玉林道士

學士書名御榻前先生歸卧大江邊飛龍亭在山還
好伏虎丹成鼎不穿萬頃玉林烟滿地九重金闕日
升天聖君若許秦淮去擬借雲房宿一年

貢院憶繼學治書

棘闈粉署隔重墻校藝分官屬正郎五夜風簾燒蠟
蠋九天冰樹劑龍香周旋接武尚書履供帳留茵御
史床臚唱閣門春色曙侍臣應奏慶雲章

繆郎中雪谷早行圖

十里寒林葉盡凋，谷中深雪客行遙。
留連獻賦游梁苑，辛苦哦詩過灞橋。
竹裂若聞金石奏，山空不聽斧斤樵。
未央前殿冰花滿，郎吏催班已趁朝。

龍虎臺應制

龍虎臺高秋意多，翠華來日似鑿坡。
天將山海為城塹，人倚雲霞作綺羅。
周穆故慚黃竹賦，漢高奏大風歌。
兩京巡省非行幸，要使蒼生樂至和。

送安慶路教王中天

南國煙花一萬重，船浮春水正溶溶。
舒州城壯山偏

護博士官清印自封，夜誦挑燈吟蟋蟀。
秋行携酒採

芙蓉，仙人李白今應在，問訊時時過宿松。

送胡古愚歸東陽二首

藉藉詩中一世豪，瑤池三度食蟠桃。
小移夜雨紅蘭葉，旋與春風白紵袍。
共奉水街從古貴，東陽酒價近

來高行。君見王公子，道我官曹似馬曹。
江東廡使王繼學也

沈約才清不奈秋，歸艎南去漫夷猶。
還家少拂雙鴛

波，到闌重修五鳳樓。袍已映江榮錦里，詩聲傳紙快

言。書燭非蓮炬，春早來從十二旂。

送客歸揚州

揚子頭水... 寧運... 住江邊... 吳娃蕩槳潮生
浦楚客... 招... 憶曾遊此地... 瓊花開不似
當年竹西池... 館... 紅... 日日題詩舞袖前

送王參政上京奏選

滇池細馬踏龍沙... 不餘... 峽裏琴泉春作
乳月中珠樹... 夜... 三十... 禮樂尊儒術... 百二山河壯
帝家魚上禹門無... 額直... 郎宣奏日當衙

贈內

幾年不入... 鹿... 門... 妻... 相看亦... 顏... 桂樹有枝曾獨
... 女... 蘿... 無... 夢... 不同... 樓... 上... 騎... 黃... 鵠... 野... 客... 籠... 中

白鷗莫恨五湖波浪闊... 鬢毛歸去未全斑

送毛真人還山

手提仙印碧霞裳... 賜... 履... 承... 恩... 自... 尚... 方... 雨... 洒... 石... 壇... 苔... 錦
滑日穿油幌竹... 書... 光... 葉... 見... 此... 日... 還... 滄... 海... 漢... 鵠... 當... 年... 下
建章琪樹萬叢芝... 萬本江南歸路水雲香

雜詠

步出汀洲拾翠翎... 仙家幢節樹亭亭... 山躋... 蒼... 蔚... 籠... 紗
... 波... 瀉... 漣... 漪... 漾... 醪... 醕... 黃... 鶴... 來... 時... 天... 有... 日... 玄... 猿... 啼... 處... 夜
無星舟行又過淮南國... 招隱詞高世莫聽

玄真觀借居

山光朝暮鳳池西
襍被仙家共鶴栖
且向竹林移坐
具都将柿葉寫詩題
宅門好榜神清洞
書燭終燃太
乙藜昨夜玄壇星斗
近步虛聲外望文奎

張居士

手種梧桐斷素琴
親開墨沼寫來禽
人間日日朱門
別江上年年碧草深
勾漏丹砂慚自乞
鹿門妻子願
同尋我今五十身
多病翹首南雲望故林

送揚州方教授

煬帝宮前錦纜舟
江都不是古揚州
船中鏡鑄芙蓉
月橋上簫吹楊柳
秋芹藻有歌來士子
魚鹽無賦到
田疇戴憑重席
男兒事莫向淮南
怨白頭

寄王繼學廉使

班超生入玉門關
聖德如天遠賜環
已有聲華通北
斗又將詞賦動南山
薇垣春滿雲猶濕
荔浦秋生月
更彎京國故人星
散去病來題字不能刪

喜小孫誦書

弋釣為生不負丞
江關詞賦屬徐陵
舊傳仙訣能食
玉新試官箴合飲冰
坐上看雲秋渺渺
夢中聽雨夜
澄澄淮天七月猶多暑
喜見兒孫學聚螢

無題 四首

瓦溝銀竹曙翻江閣苑涼風滿石幢葛令寄來丹白
一陶公歸去酒瓢雙梧桐寂寞陳宮并薛荔扶踈玉
女窓天畔地車呼小鳳桂花流水夜淙淙

鶴城十二疊瑤光琪樹懸秋四面香蛺蝶染花生粉
白玻璃着酒煖金黃熏爐舊夢憑荀令燭釵閑吟屬
沈郎南國鴈來書不至江樓誰為製荷裳

三湘瀟洒恨無潮烏鵲填河願有橋丹穴鳳來龍樹
遠海門魚去蜃樓遙已知京兆誇高髻不信章華鬪
細腰船尾橫江春水急長年無事醉吹簫

愛酒書生白髮垂鸞膠獺隨豈能醫漢宮闔草端陽
節唐殿穿針七夕時竹上礪房真可買石間芝箭似
難移楊雄擬奏河東賦但乞君王酒一危

次前韻

岷峩山下錦城江好買玄都翡翠幢竹種篔簹千萬
箇鳥飛鷓鴣兩三雙銅龍漏下春生水金馬神來霧
入窓花落天台招小隱胡麻飯熟石淙淙

切玉龍刀寶氣光袷羅半臂麝脐香荔枝囊蜜媽媽
紫盧橘團金顆顆黃秦氏故侯更漢主石家小婦嫁
孫郎江心誰鑄芙蓉鏡照見嫦娥織翠裳

錢塘八月水生潮印笮千年竹架橋篔簹織龍鬚天路

近衣裁蟬翼渚宮遙府中丞相魚垂帶閩外將軍箭
挿腰無柰黃金閑買賦雲間學得鳳凰簫
樂部韋娘舞小垂病來能召翰林醫嗔人書奏三千
牘勸客歌詩十二時金谷花枝隨雨盡石城江水逐
潮移世間若有神仙樹西去瑤池醉酒危

龍門

萬壑奔流一峽開君王歲歲御龍來人間塵土常相
隔天上星辰到此迴草木四時承午日風雲半夜束
春雷自慚曾奏長門賦跋馬徬徨念暴鯁

還過龍門

紫塞秋高鳳輦迴龍門有客去還來蕩摩日月崑崙
坼吐納風雲混沌開天地有神司主宰地霧無力戴
崔嵬誰吹石瀨成飛雨不使時人污酒杯

送宋顯夫南歸

琵琶溝北識君初籍甚才華二十餘欲賦兔園干孝
邸不因狗監進相如瀟湘路熟逢知己韋杜天低望
故居携幼歸來拜丘壘南遊莫戀武昌魚

駕發上京

蒼龍對闕夾天閣秋駕凌晨出國門十萬貔貅騎
裏一雙日月繡旗幡講蒐獵較黃羊圈錫宴恩霑白

字三百七十一
獸尊赫矣漢家人物盛馬卿有賦在文園

和袁伯長待制送虞伯生博士祠祭嶽鎮江

河后土

夫容仙掌坐中低后土霄光手可齊
棧路躡雲山有閣蜀天常漏石無泥
岐陽過馬應聞鳳陳寶停鞞莫信雞
使者才華似揚馬題詩應近草堂西

次吳真人梅花韻

羅浮庾嶺大荒濱燕薊冰姿好寄身
地勝不招金谷客賦成重寫洛川神
碧窓逗日留私照丹井呼泉瀆古春
草木有知應自喜白衣如我是山人

五言絕句

雪中登郡城西亭二首

澗谷垂寒藤冰光見魚影歲暮風雪交
敲瓶煮茶茗

其二

飛花墮橫塘鏡影照空額天路昭華管
吹香慰幽客

吊節婦

白日松臺閔青山石擲沉空餘哭夫淚
下入九泉深

題四皓圖二首

不聽高皇召還來太子宮阿婆人
菟禍吾恨紫芝翁

其二

鴻鵠歌雖壯長門事可憂間居紫芝客終不似巢由

間題樹葉上

秋意鳳城多涼颼柰夜何題詩滿霜葉不見洞庭波

馬戶

日午炊烟起人家半是農賣田當保馬無榻過三冬

朝歌

務黯山沉樹風號路起塵朝歌醉王死周室又歸秦

墨竹扇頭

冰紈已却暑况此碧琳琅好伴玉塵尾涼颼滿高堂

李陵臺二首

故國關河遠高臺日月荒頗聞蘇屬國海上牧羝羊

其二

蹕林聞野祭漢室議門誅辛苦樓蘭將淒涼太史書

歐陽原功銘馮少府墓

古鼎刻龍文新銘少府君欲聞蒿里挽零露濕秋墳

題猿圖

江渚無來鴈山樊有宿猿秋高廬橘熟巴月樹連村

偶成

山中木葉落江上水波生自是年年事漁樵不必驚

黃河

字二百三十个
塵海東南下雲山西北高黃流蕩中滴萬里費波濤

節婦張氏

磨笄山月寒織素機石冷閨深鏡塵奩泉咽水結井

獨石

秋瀨喧石梁臨流不肯渡與客坐忘歸山寒日將暮

題王氏樓二首

岑樓臨曲水小檻背重城懶慢淮南客終須掉臂行

其二

乳燕穿花去倉鶯拂樹來淮天春又夏獨立意徘徊

七言絕句

揚妃苦

漢廟衣冠照碧燐唐陵翁仲作黃塵馬蒐坡上棠梨

樹猶占秦原繼以日春

帥臣子劉宗道藏其父之詩請跋

將家子弟讀兵書欲斬樓蘭換印魚獨有劉郎偏醞

籍阿翁詩句作儲胥

鎖院獨坐書事口號

松間行屋無人到恰似蓬船泊浪中午夜風聲敲雨

點夢迴錯認是漁翁

與猗猗子山郎中

時祈雨
長春宮

二郎齋沐醮星官風馬雲車下石壇深夜步虛詞更
響要將靈雨濕春乾

題劉伯宣哀挽詩

揚子橋邊水正波
靡蕪秋草徧陂陀
江潮日日風聲
急似為孤臣賦九歌

慶陽

苜蓿春原塞馬肥
慶陽三月柳依依
行人來上臨川閣
讀盡碑詞野鳥飛

驪山 三首

灞嶺春來綠樹圓
東風吹影入溫泉
華清夢斷飛

玉女泉邊翠藻多
石池涵影媚宮娥
可憐繡嶺啼春

鳥猶似梨園弟子歌

華陰道士長松下
留我煎茶看古碑
衣上征塵都莫洗
天風一夜為君吹

洛中二首

龍門三月洛波清
正是花時過故京
尊酒不來芳樹
遠碧雲初合暮山橫

東望梁園是故鄉
懷歸夜夜夢池塘
春城碧樹淮南
路飲酒當年似漫郎

七夕舟中苦熱

嘗憶銀床桐泣露更思玉枕蔗流漿天孫初嫁龍綃薄却恐秋河入夜涼

戲馬臺

將軍一叱廢千人未可掀髯便咲秦枉築高臺閑戲馬漢王將地擬功臣

歌風臺

祖龍無廟托孤魂羽泣妖姬死更奔獨有沛中隆準客歌風臺上望鄉村

集袁王二學士詩為首二句祖常足成之

石城月落鴉栖堞秋浦天青鴈拂簷春送亂紅浮酒面山飄空翠濕書籤

送胡古愚還越

四首

越江秋水得霜清夜夜天南葵女明客子布衣風又急世間無用是才名

北風吹鴈不成行揚子江邊上夜航刻紙題詩三百首人來為我說錢塘

秋樹紅時客欲歸江寒潮小鷺空飛東陽有酒堪賒飲莫問桐廬借釣磯

送客歸山天正霜吳江蠓美橘初黃上林千樹櫻桃

內集 湯 惠 寫

熟莫戀金華是故鄉

過故相宅

瓦墜當蒼燕不來白頭老妾賣花栽舊時小吏今身
貴羞近門西上馬臺

閩浙之交

月出山頭犬吠雲隔林鐘磬鶴應聞老僧見客閑留
坐風落松花滿寺門

出都

潞水年年沙際流都人車馬到沙頭獨憎揚柳無情
思送盡行人天未秋

獨立

玉署涼生試袂羅堦庭新雨長青莎睡醒獨擬三都
賦不換人間瑞錦窠

誚燕

風雨池塘鬪頽頽春來秋去一生忙世間多少寬閑
境辛苦營巢傍屋梁

送廬山周道士

崆峒移得三株樹獨向江邊種未成南國祇應仙露
少却來天上瀉金莖

送侯崑亮

西南萬里青山路君在峨眉第幾重莫愛平羌江上
水明年京國約相逢

題道友舒貴和扇

吳蚕八繭素絲多乞與天孫織扇羅冰雪地清天不
暑月中仙子種紗羅

宋高宗書光武度田圖

漢家自有雲臺像誰取丹青畫度田宋主欲興江左
業却將書字送長年

暑雨

涼生紗縠玉秋清雨氣霏霏滿鳳城湖上荷花雲錦

爛不能臨水 閑行

蜀道士歸甯

青城羽客燒丹罷要近東家問六經却笑山陰痴道
士白鵝閑覓窻黃庭

功德使三旦八藏

英宗皇帝所賜御書中有御製詩云月色清
吾心日光照吾民十字大哉君人之言也又
云明仁殿書賜旦謹贊詩四句于後

英皇朝坐明仁殿賜旦新書日月中河漢昭回光氣
在淒涼空抱小臣弓

丁卯上京

山雨晴時已是秋苑中行殿日華浮長楊十萬旌旗
宿不使飛霜入畫樓

參議府坐贈左右司郎官

西曹清峻東曹劇綠水紅蓮兩幕開獨有議郎官似
我手持書字近三台

春風御馬圖 二首

龍種拳奇十二閑進來新自玉門關連錢赭白生珠
汗天子長楊羽獵還

春風楊柳華山陽肥澤都能照地光天下太平無汗

遊壇立仗事君王

蔡琰圖 二首

胡月還如漢月圓龍堆沙水咽哀弦文姬此夕穹廬
夢應到春閨舊鏡前

蹋歌誰唱木腸兒頗念中郎哭女時衛霍不生陵不
死望鄉臺畔盡相思

御溝春日偶成

御溝流水曉潺潺直似長虹曲似環流入宮墻才一
尺便分天上與人間

題墨竹

山雨蕭蕭濕翠旌雲中仙度鳳吹笙管衣生滿空林
石放鶴歸來獨自行

趙中丞折枝圖 牡丹芙蓉 石榴山茶

洛陽春雨濕芳菲
解胭脂染舞衣
帳底金盤承蜜露
東家蝴蝶不消飛

乘槎使者海西來
移得珊瑚漢苑栽
只待綠陰芳樹合
蕊珠如入一時開

宮娃宮裏醉西施
不覺秋生水殿時
酒病却嫌丹粉近
洗粧人上影蛾池

八寶珠紅拂翠翹
石家步障曉寒消
千枝鴈炬燒春

夜羯鼓催花打六么

鶴索詩引頸長鳴戲以荅之

一聲清淚九臯秋
竹裂松搖不自由
老衲彈琴來度曲
粼粼沙水枕門流

次王參政延福宮韻八首

五粒松脂下石扉
山花春鳥拂簷飛
道人自煮青精飯
學得仙方上馬歸

仙子新開白鶴亭
畫雲十二列山屏
簾光香轉涼颺細
坐讀南華問大庭

藥珠宮闕畫雲扉
鳳桐花白日飛
冰水藕絲清暑

字一百七十四
宴偷桃方朔醉忘歸

唐家漲水望雲亭三月千花隔障屏不似仙人華綠
洞雙笙吹鳳五芝庭

太乙神來月轉扉石壇秋冷葉初飛丹方可是無消
息遼鶴千年始一歸

道士南來說敬亭雲林千疊翠光屏寫書更問瀛洲
叟幾日丹杯滿後庭

翠元金鋪白玉松階五色鳳凰飛夢中不覺神仙
境却是彤庭得奏歸

草玄誰到子雲尊草玄烏短似屏學士橫經趨虎

御符軍躍馬出龍庭

雜賦二首

水村山店屋橫斜行盡長淮恰到家雨雨風風六十
日年光多半在天涯

空江木落月輪高千里清光見羽毛喚起長年夜吹
笛右持杯酒左持螯

到家

山房百本梅花發盡是先生手自栽不似旗亭楊柳
樹迎人來了送人回

道士彈琴圖

字二百二十四
龍門千尺高桐樹天上移來石上栽
斲得春雷鳴玉澗青鸞黃鵠一時回

寄王繼學

八詠樓高風月清故人持節駐江城
老來不覺俱多病藥裹隨身處處行

絕句

春雲五色建章西流水平橋兩岸低
客子年光偏易失御溝楊柳又鶯啼

舟中送于同知朱縣丞南歸

青山白鳥坐中沒渭樹江雲別後思
四海同年幾已

知君日有寄來詩

絕句

翡翠明珠載畫船黃金腰帶耳環穿
自言家住波斯國只種珊瑚不種田

閑題

視草堂深白晝遲瀛洲仙子到來時
閤鈴不響文書靜相對鰲峰日賦詩

次韻王繼學

三伏灤京酒醖同分飛鴻鴈怨秋風
誰知山店前宵月只在盧仝草屋東

和李彦方

寄書日日問滄洲莫打江鷗與海鷗春水滿溪畦稻
發洛陽花好不須游

樂府歌行

南方賈客辭

江岸琅玕悲帝婦雲光漏日波含霧瀧船初下鷓鴣
林青憤蠻郎占龍尸千尋高杉生翠微北人去買蕉
葛衣雞骨卜神銅鑄鼓却憶水紈將北歸

踏水車行

松槽長長櫟木軸龍骨翻翻聲陸續老父踏車足生
繭日中無飯倚車哭乾田犂确稚禾槁高天有雨不
肯下富家操金射民田但喜市頭添米價人生莫作
耕田夫好去公門為小胥日日得錢歌飲酒朝朝買
絹與豪奴識字農夫年四十欲踏水車脚失力宛轉
長謠隴畝間誰能聽此無悽惻

繅絲行

繅車軋伊繭抽絲桑薪煮水急莫遲黃絲白絲光縱
縱老蚕成蛹啖兒飢田家婦姑喜滿眉賣絲得錢買
幕羅翁叟慣事罵婦姑只今長男成葭蘆秋寒無衣
霜冽膚鳴機織素將何須翁叟喃喃罵未竟當門叫

呼迎縣令騶奴橫索馬鞭絲婦姑房中拚纏經

拾麥女歌

壠雉飛桑扈鳴老蚕入簇繭欲成原頭腰鎌者誰子
刈麥歸家作餅餌心知棲畝有滯穗惻惻忍收寡婦
利寡婦持筐衣籃縷終朝拾麥滿筐筐兒啼婦悲窶
無火寒漿麥飯晡時取豈不見貴家妾豈不見娼家
婦繡絲繫襦蓮曳步銀刀繪魚佐酒杯狎坐酣歌愁
日暮拾麥女拾麥女爾莫嗟爾莫憂人生賦命各有
由前年貴家妾籍入為官婢今日娼家婦年老為人
棄貧賤艱難且莫辭畢竟榮華成底事

古樂府

天上雲片誰剪裁空中雨絲誰織來
蒹葭秋沙田鼠肥貧家女婦寒無衣
女婦無衣何足道征夫戍邊更
枯槁朔雪埋山鏡甲澁頭髮離離短如草

河西歌刻長吉體

賀蘭山下河西地女郎十八梳高髻
茜根染衣光如霞却召瞿曇作夫婿
紫駝載錦涼州西換得黃金鑄
裏蹄沙羊冰脂蜜脾白箇中飲酒聲
淅淅

淮南漁歌十首

棹船淮水上晒網赤岸南
船中捕來魚賣錢買魚籃

其二

小艇如鳧鷖湘東紫杉木載家復捕魚夜夜繫江竹

其三

市中買蚕絲新結橫江網江中魚已盡又結網十丈

其四

白雲渡深竹野水過斜橋鳴榔下淮浦笈箸帶朝朝

其五

船過蒹葭浦人家喚買魚回船泊柳岸却問種樹書

其六

長年為漁郎稅魚與鹽官誰云無鄉縣兵籍在邯鄲

其七

渡江問漁價人來索酒錢婦姑亦不惡便煮縮項鱖

其八

桃花水初漲磯頭好下罾取得金鱣魚去換縛船藤

其九

賣魚向城市陌上遇王孫爭買雙銀鯽持去贈紅裙

其十

烏鬼項細細吞魚不下咽海鷗嘴亦短啣魚入野烟

兩頭纖纖五首

兩頭纖纖抄攤子半白半黑遼東豕膈膈剥剥琢玉

字三百三十七个
凡磊磊落落舞劍士

兩頭纖纖小兒繡半白半黑目中睛
脰脰剝剝海岳

兄磊磊落落將軍營

兩頭纖纖千畝旄半白半黑大毒縣旗
脰脰剝剝解角

糜磊磊落落磨崖碑

兩頭纖纖北斗杓半白半黑千金貂
脰脰剝剝山中

樵磊磊落落雲間鷗

兩頭纖纖蝟上毛半白半黑筆中毫
脰脰剝剝擊雲

璈磊磊落落斬馬刀

北行歌

君不見李陵臺白龍堆自古戰士不敢來
黃雲千里

鴈影暗北風裂旗馬首回漢不衛霍今何用
見說軍

還如累痛不思百口仰食恩豈念一身推轂
送如今

天子皇威遠大磧金山烽燧并却將此地建
陪京灤

水田環抱山萬井喧闐車馬輪翠華歲歲脩
時巡

親王覲圭荆玉盡侍臣朝紱珠新高昌勾麗
子入

學交趾蠻官貢麟角斗米三錢金如土國人
謳歌將

軍樂將軍樂四海清吾皇省方豈田獵觀風
察俗知

太平

擬白頭吟

君家四壁立妾家萬黃金憶初未相知良媒賴鳴琴
 遂以身許君借老畢所願如何忍相忘恩情忽中斷
 昨朝雙死央今夕守空床茂陵展嬾嬈還彈鳳求凰
 涼月凝玉露秋聲在庭樹歌我白頭吟相子長門賦
 紅淚濕芙蓉綠苔鬱葱籠羞看舊粧鏡不敢歸臨邛

西施怨 三首

吳王水殿看芙蓉十二簾櫳罨畫重新得西施顏似
 玉不教官漏滴銅龍

妾家本在苧羅山一入吳宮便不還自是夫差心未
 醒枉將亡國怨朱顏

為妾輕身作館娃妾心刺血報夫差范生事主還無
 策教妾傾人亦可嗟

車簇簇行

李陵臺西車簇簇行人夜向灤河宿灤河美酒斗十
 千下馬飲者不計錢青旗遙遙出華表滿堂醉客俱
 年少侑杯小女譟竹枝衣上翠金光陸離細肋沙羊
 成體薦薦共訝高門食三縣白髮從官珥筆行毳袍衝
 雨桓州城

次韻端午行

羅襦垂垂扇奩歇守宮持紅不數蝎桐官馬酒銀流

浙內饗餅啖酥凝雪藥水之陽漢陪京拂天翠華風
日清繡絲鞋墻擅南陌玉環鏡鼻專東城射柳王孫
五花馬醉來見客不肯下擷藍攬綠闌草嬉靈運無
須更誰詫香爐薰衣今幾人蘭階晝永簾光勻圍坐
屏風卷畫劇杯中菖蒲咲回春

前宛轉曲

紫檀出海南削成琵琶槽上有妃史絃彈曲聲嘈嘈
客問此何聲新聲名絳桃一奏桃始華再奏花枝斜
笑靨頰暈粉仙源飯蒸霞唐祚新聲曲春樹雙鶯逐
雙鶯逐擲金梭魚藻蕩圓波陌上行車帶結羅絳桃

年少光陰多

蕭性淵善鼓琴予嘗為之作我思操今自和
林歸再任巡徼之職於江南北行又求予詩
遂為賦漢銅馬式歌以送之

漢家金銅鑄馬式求馬相此不失一塞上將軍得一
匹驪驩如龍高八尺日斜騎出陰山道獵獵霜風鳴
淺草鞍後並懸雙白狼歸來穹廬月弓好江南綠蕪
春接天只須一抹蹴雲烟摩訶舊是將軍種酒澆青
衫學控弦

楊花宛轉曲

空中游絲已無賴宛轉楊花猶百態隨風撲帳拂香
奩度水點衣縈錦帶輕薄顛狂風上下燕子鶯兒各
新嫁釵頭燼墜玉蟲初盆裏絲繅銀繭乍欲落不落
春沼平無根無蒂作浮萍纈波綉苔總成媚人間最
好是清明清明艷陽三月天帝里烟花匝酒船石橋
橫直人家好小海白魚跳碧藻榆莢荷錢怨別離不
似楊花宛轉飛楊花飛盡綠陰合更看明年春雨時

公子行

綠香繡帳垂流蘇床頭三尺紅珊瑚十八窈窕秦羅
敷曲房小步璫鳴襦高堂公子吹笙竽百斛明珠買

毳氍毹燈在檠炙炙文魚但苦不駐羲和車

擬唐宮詞二首

華清水殿繡芙蓉金鴨香銷寶帳重竹葉羊車來別
院何人空聽景陽鍾

長門月轉漏聲催自慰寒衣減帶圍休怕宦家嫌體
弱細腰曾是楚王妃

贈陳衆仲纈雲辭

纈雲織波射金水郎君水西着皮履南陌紫塵十丈
高捋鬚買酒意氣豪萬里將書憑海鳥荔枝千顆團
團小天津不隔少微星閭闔門開夜光曉

字二百八十五 中州文表卷之六 辛卯

雜言

題太白晴碧圖

我聞天星之精化為石况尔柱地名太白又聞崑崙崑崙崑崙
崑崙天壇禹穴雲為衣何如錦樹翠蘚錯落照晴碧
山寒日暮虎豹遠彷彿嶢崑崙霧雨澀淮南荀鞋人
至今人塵笠歌青壁

李仲淵御史萬竹亭

君不見江有蛟龍宮又不見竹有鳳凰實江波沉沉
竹林合中涵細縕太古色君侯亭子書帙光依微靜
綠棲墨香東家絲桐間高堂我方與客歌篴管狎蛟

龍方騎鳳凰渭川淇園在何鄉

喜知經筵蔡國張公至

行夷猶憺容與載兩旗駕四牡踰曾山遵大路日在
天雲作雨將至止德容度晨脩觀適帝所

楊孝廉義烏

密雲縣裏日欲西楊家樹上烏來棲啞啞鳴聲似兒
啼日出泥虫哺母飢君不聞延秋門姑蘇臺詩人歌
曲至今哀烏兮烏兮去復來孝子有念烏無猜

商學士萬里圖

曹南商君儒家子身登集賢非畫史酒酣氣豪不敢

內集 湯 惠 寫

使揮洒山水在一紙咫尺萬里乾坤意人言造物真
 兒戲盤紆流動各有象變化倏忽風雲至吾觀崑崙
 西月出更觀扶桑東日生形勢開合限内外分野上
 合星辰精大禹鑄九鼎鄒衍外九州豈但草木異乃
 有鬼魅憂噫嘻奉常官祿薄百錢縫囊貯丘壑為尔
 作歌還一嘯何年淮南戴青箬

聯句

秋雪聯句同袁伯長賦

白帝欲返馭伯長玄神已先驅南山黯遐睇祖常西
 顥阻清飲刻雲環佩雜伯長剪水瓊瑰敷金英受剛

潔祖常丹桂遭摸塗高標變鬢髮伯長爽氣通微軀

群陰孤陽價祖常積素五采腴路脩天鵝疑伯長穴

野兔呼蟬猶抱殘槐祖常鴈仍驚折蘆濕瀼露莖

溜伯長空清永柱酥或云勢已盛祖常又言理非殊

時明堂嚴伯長薄刊尊收誅浮華敵春澌祖常斂

實侔冬輸慘立各動色伯長沉思儼徐趨鴻鈞轉橐

籥祖常緹室潛葭莩觀物昧休徵伯長永歌啓貞苻

祖常

鸚鵡聯句同王繼學賦

雕籬居啄桃繼學袷服儀采綠南荒孕靈膺祖常西

內集

湯

惠

寫

顥發麗曲頸綬紅縈絲繼學喙棘頰屈玉蓄慧婉含

章祖常裸彩絜成縛能言貫珠舌繼學善舞凌雲躅

金眸肖韓隼祖常珍畜異巢鵠層塔寶舍利繼學深

杯注醪醑流丹曙林度祖常墮翠春洲浴石鏡影瑤

魁繼學銅梁步陸續題賦吾豈能祖常入貢尔應錄

繼學

都城南有道者居名松鶴堂暇日同東平王

繼學為避暑之遊因作松鶴聯句

偃雲聳層霄繼學警露落古雪虬枝熹垂澗祖常鷺

羽陌鳴垤蟠石千歲苓繼學頂朱百齡血胎禽哺玄

巢祖常乳脂凝沍節舞盖竽籟喧繼學啄粒苔蘚嚙

玄玉薰麝煤祖常碧脛溢雞楪陟岳秦爵崇繼學授

甲衛軒劣沐髮豹霧深祖常引吭鳳竹裂風馭八極

小繼學河舟三翼拙魯縞曳襪褌祖常夏社挺截薛

任重明堂材繼學言歸華表別拳縮包胥立祖常堅

剛伯夷烈延世餌芳液繼學顧步炫高潔作室擅茲

美祖常觀物入獨閱誓將束囊書繼學從尔解珮玦

祖常

至治癸亥八月望同袁伯長虞伯生過槍竿

嶺馬上聯句

有嶺名捨竿伯長其上若棧閣白雲亂石齒伯生青

峯轉帘脚積冰太古陰祖常出礦無底壑馬飲沈澹

泉伯長鷹盪扶搖幙轍蹟委垂紳伯生人聲發虛索

鳥飛接鳥背祖常羽沒疑虎膊霧松秋髮長伯長霜

果紅頰薄斤樵不知疲伯生獨往端有愕兢兢矛頭

浙祖常杌杌井口索凝睇見日觀伯長引手探月廓

南下渺塵海伯生北廣絡沙漠金橋群仙遊祖常寶

塔百神鑿禽鳴蜀帝蒐伯長鐵鑄石郎錯闌于挂鈎

衡伯生撓捨歛鋒鏑屬車建前茅祖常馳道徇嚴柝

載筆三人行伯長弭節半途却伯生

天慶寺納涼聯句同士繼

晧幄夏陰繁繼學石池暑氣清高

字依玉城午磬梵唄集繼學夜廊酥

字祖常璧礎承丹楹寂寂鳩棲果

露葵炫晝艷祖常霞藥敷陽竟開心

古樂高情逍遙祗園賞祖常迤

潤繼學水簾歲久經返給香杓號華

圖音聲

坐尋

飛

飛

飛

祖常
我積得

中州名賢文表卷

中州名賢文表卷十七

內集

姑蘇劉昌欽謨

馬文貞公

石田集

騷賦

發淮浦

發淮浦兮遡黃流鼓船舷兮極浮游雲英英兮天已
秋攬芙蓉兮艤芳洲酌吾酒兮樂無憂懷佳人兮結
綢繆

我思操

八風兮颯颯政宣兮音通律節兮應同臣商兮君宮

內集

中州名賢文表卷十七

湯

惠

宮

龜之山兮松有枝
菱之里兮田有萊
天不喪兮何悲
願復願兮令我思

傷已賦

嗟余生之多憂兮
幾顛踣而數窮
誓續言以自見兮
力遲古之高風
呼萬龍以駕我兮
伴萬使使為期
何九稼之不一獲兮
尚偃蹇而如茲
豈剗刷之有不善
兮將世德之下賢
薦芻蕘於宗器兮
綴履綦以璣璿
封敦旒以魂泰
岱兮謂汎濫其莫涯
冠髻童以弁冕
兮問禮意而莫支
決大疑於淫鬼兮
憑巫傳以度揆
願聖言之鞿勒兮
指網維為械
意憫相道之無朋兮

去一髮之幾希
柅吾車之莫騁
兮膠吾口而難辭
懲前悔之不憚兮
配古道其或可思
一旦捨此而改圖
兮念後余之病我
日浚惡以啓堙兮
患世之屏經而好權
遭波蹊之多迷兮
世或謂其固然
抱昌辭以適與我
兮侯來學以偕行
辨百家之糾紛兮
孰察余之衷情
亂曰我涉大波
孰為航兮我載大塗
孰為箱兮古聲
嗶嗶金石之揚兮
世無佞兮

悠然閣賦

為周南翁作

舒吾眺之落落兮
覲寥廓之無跡
會冥冥之遐思
兮契萬品之攸職
擬大化而罔象
兮悼世德之囿形
聿

道遙而容與兮泊乎游乎泰清是有當於吾衷兮表
吾廬以自肆騁余馬於析津兮崇吾屋乎江汜揭高
躅于古道兮追前脩其或然偉一世之君子兮又贈
之以蘭荃曰予未有知兮何私意之彷彿懿夫子之
悠然兮殆及予乎空谷

制誥

遣使巡行詔

朕祇承洪業夙夕惟寅凡所以圖治者悉遵祖宗成
憲曩者屢詔中外百司宣布德澤蠲賦省刑賑恤貧
乏思與黎元共享有生之樂尚慮有司未體朕意庶

政或闕惠澤未洽承宣者失於撫治司憲者怠於糾
察俾吾民重困朕甚憫焉今遣使宣撫分行諸道案
問官吏不法詢民疾苦審理冤滯凡可以興利除害
速宜舉行有罪者四品以上停職申請五品以下者
就便處決其有政蹟尤異暨晦跡於丘園才堪輔治
者具以名聞咨爾臣庶體予至懷

太保左丞相封贈三代制

匡時靖難資大策於元臣崇德報功覃湛恩於累葉
奉常議禮與壤定封具官其故曾祖服勤侍衛秉信
功臣太傅銀青榮祿大夫上柱國梁國公謚敬簡探

馬哈兒秉質無華詒謀有永蚤備鈞陳之列式昭折
 木之祥衍善慶於曾孫篤忠貞於熙代使宅百揆光
 於前人於戲開國浚郊具儀文於鈇鉞承家新鄭紹
 世美於衣冠歸我絲綸告爾窳窳可追封陽翟王
 朕論功定賞念扞衛之多艱推慶行封俾覃延於三
 世懿彼靜女配予先臣具官某故曾祖母梁國夫人
 忽都真蚤飭壺儀克承宗事不假詩書圖史之戒素
 閑織維組紉之功迪美萃於曾孫發祥殷於令族新
 廟奕奕斲松栢於析津原田每每畫封圻於梁土龍
 章有赫象服來歎可追封陽翟王夫人

朕獎元勳推德濟其止美詒厥孫謀屬大業之

中興穎之嘉之封奕業寔著彝章且官某故

祖之守忠之勳臣力功臣六師金紫光祿大夫

上柱國梁國公謚莊順稱海質稟淳庀躬行愷悌藁

鞬宿衛久服勞於王家弓冶承傳遂開先於相闕方

乾坤之清謐俾綸綍之渙頒用禮勸忠書功旌善於

戲伊洛瀍澗樂哉魂魄之遊山川土田衍爾蒸嘗之

奉昭茲來裔祐我不基可追封河南王

命婦朝后彤管著於女箴令妻相夫擊絲陳於內則

亶惟淑德嬪于名門具官某故祖母梁國夫人忽刺

真毓質柔嘉脩容婉婉久襲祥於世業當擢秀於孫
枝為國懷材贊予茂烈雲翔鸞誥俾澤漏於泉臺颺
轉魚軒想神遊於梁苑尚貽多祐福爾後人可追封
河南王夫人

惟王建國必崇德以報功自天降康乃生賢而靖難
茲眷元臣之懿宜推先正之褒具官某故父懷忠濟
美積德崇慶功臣太師開府儀同三司上柱國特進
河南王謚忠懿謹只兒蘊善弗彰紹謀斯永為郎執
戟夙多宣力之勤有子克家益勵教忠之訓定中興
之大策立不世之殊勲匪衍王封曷稱朕意於戲河
山帶礪式藏盟府之書乾坤珎符期篤熙朝之祚格
思英爽歆此寵光可追封鄭王

朕惟元臣克相中興之業母有令子宜膺崇秩之封
稽諸彝章廣我孝治具官某故母河南王夫人燕赤
古納夙閑姆訓綽著婦功奉筐簞於蒸嘗節珎璜於
夙夜內政素勤於在饋慈訓尤切於斷機德啓閨門
光資邦國倬茲鄭圃乘翟第以來遊嘉彼召南賦鵲
巢以行化俾頒綸誥用賁泉扃可追封鄭王夫人

平章也速迭兒封贈三代制

夫用之紓者積必厚行之徐者力弗殆斯道之常匪

曰責報也平章也速迭兒曾祖父贈定威佐運功臣
榮祿大夫司徒柱國追封曹國公謚忠定撥撤出於
華族夙奮材武從我太祖皇帝親屬橐鞬崛起戎列
威行方國戰功良多及定隴陝斬將擐旗臨敵致死
大節赫然傳不云乎活千人者有也數世之遠
傳家孫曾愈碩天光顯又得議封于禮官博士非用
兵有活人之德而然乎命頒異數開國節曰南中土奧
壤襲庶濟美可示為將者之勸可贈定威佐運功臣
光祿大夫司徒上柱國追封曹南王謚忠定
古外命婦朝若是則婦官尚矣平章也速迭兒曾祖

母追封曹國夫人塔拜劬勞慈育生子克家戰勝攻
取丕佐興運議禮制度于爾有封從六之爵曹國小
君象服翟第歆茲追寵可追封曹南王夫人

朕稽古為治立國以禮故臨御四海永慕祖宗創業
之艱難美其興運佐命之臣厚厥世賞以訓臣隣矧
其胤裔又有能全其終始者乎平章也速迭兒祖父
贈宣忠靖遠功臣光祿大夫中書右丞相柱國追封
曹國公謚桓毅也柳干蚤備宿衛分從賢王前驅先
登戡定河外俾金為壘而宋社遂以屋者蓋爾戰多
之力焉異姓封王於爾為寵矣英爽不亡尚保爾世

三百九十一
哉可追封宣忠靖遠佐運功臣金紫光祿大夫中書
右丞相上柱國追封曹南王謚桓毅

夫恩禮覃於百官則先近臣漏澤施於九原則觀來
者平章也速迭兒祖母追封曹國夫人滅列蚤嬪高
門無違官事克相君子為王虎臣又有聞孫贊予景
運俾有司議封乃追命爾為王夫人以曹南之田為
脂澤之賦尚歆寵澤益衍廟食可追贈曹南王夫人
先王有崇德報功之制豈曰觀義蓋以旌善而勸忠
也平章也速迭兒父光祿大夫中書左丞相先贈協
謀定遠佐理功臣太師開府儀同三司上柱國曹國

謚宣武阿剌罕生長富貴宴安而無子弟之習勝
衣荷戈奮身前驅維時世廟觀兵江許貔虎百萬之
衆謀臣如雲乃能立功名於其間北征叛王轉戰千
里南殄奔君樹旗海嶼勲勞顯著寵賚便蕃我國家
於君臣之道可謂至矣朕不聞鼓鼙猶思將帥况爾
有後為予蓋臣中興之初率兩河將士戮力介冑之
間大臣以聞乃隆推恩之禮上及於爾三世焉曹南
之郊桑穀沃壤開國稱王人臣極位爾克有靈歆我
綸命可贈推誠宣力定遠佐運功臣太師開府儀同
三司上柱國追封曹南王謚忠宣

我家經營南國之初尚賴膂力之士材武之臣克成大業勲勞之蹟皆已銘於太常矣又且尊顯其身以至於室家之有慶者茲非典禮之懿乎平章也速迭兒母曹國夫人脫端淑慎端惠夙配君子尊召南之化而象服是稱施孟母之教而訓忠有言卓茲令器為朕虎臣臨御之際褒錫宜先開國曹南以衍脂澤之賦煒其榮哉賁爾窳窳可追封曹南王夫人君子不昵於宴安之私以能成其功名者亦嘗資於內助焉平章也速迭兒妻曹國夫人闊闊倫幽閑端懿鷄鳴而起相其宗事婦德有稱沒從夫爵啓封曹

二魚軒象服裕爾後昆可追封曹南王夫人

太傅禿魯封謚制

帝垣台位象已著於上玄太傅師臣官尤崇於常秩有懷舊德追錫真王太傅禿魯蚤陟華階懋脩素履小心翼翼文昭持橐之班終日乾乾勞著屬橐之績宗親入覲儻相是資耐金不罰於諸侯英蕩悉同於元會樞機宥府奠軍國於乂寧鼎鼐台司贊陰陽於化育踐敷禁近閱歷歲年持風紀於臺端肅官箴於朝著天不憖遺朕用盡傷思咨茂勲爰申卹典於戲胙爾茅土俾開國於廣陽播予絲綸尚流澤於幽壤

諒茲靈爽服此寵章可贈懷忠秉義昭宣弼亮功臣
太師開府儀同三司上柱國追封廣陽王謚清獻

男位正家恒有資於內助女師結悅庸作配於上公

獎我舊勲迨于佳儷太傅禿魯妻畏吾氏幽閑毓德

婉婁賦姿象服是宜奉蘋蘩於祭祀彤管有煒謹珩

瑀於歲規懋著婦功克相官事痛所天之先殞誨厥

嗣以益嚴石窳啓封賜廣陽之大國容臺議禮贊召

南之夫人享爾高年欽此異數可封廣陽王太夫人

右丞按灘封謚制

朕以崇德報功之制聖王建國之皇圖論名立謚之

甫昭代褒賢之鉅典用光綏寵俾洽臣隣右丞按灘

少稟粹姿蚤登膺仕周廬星列入陳扈蹕之勞專驛

颺馳來上屯田之奏恩威襲蠻夷於冠帶忠孝擴詩

禮於箕裘錫類著乎家邦浚明勤乎夙夜貂蟬七葉

飾躬不瀆於華鮮弧矢四方迪德彌彰於懿美篤生

令器丕佐明時聿殫嘉猷晉參大政橫經內殿矢茲

密勿之言熙載外朝體朕都俞之意有司考禮於汝

推恩爰頒渙號之辭式副光榮之志於戲丞相一品

英靈尚克以欽承恭階六符善慶益延於似續錄諸

告第欽我贊書可贈秉義效忠著節佐治功臣太保

開府儀同三司上柱國追封特進趙國公中書左丞
相謚貞孝

周南正始教化被于閨門趙國疏封寵榮光于泉壤
爰稽彝典用獎有官右丞按灘妻唐吾氏毓質柔嘉
脩儀婉婉來嬪閔閔蚤乘翟茀之車克相夫君益著
鵲巢之德篤生令器衰作名臣服慈訓之不忘迪嘉
謀之入告推恩追錫體人子報本之心考禮飾終示
我朝廣孝之治尚昭懿範歆此告詞可封趙國夫人

表牋

賀元旦表

皇極建中賁嘉生於世運乾元資始衍嗣歲於人時
叶氣開先純陽肇德中叙道全居正功洽體仁坐宣
室以受釐百神奉職御明堂而布政萬國咸寧勾陳
環列于端門庭實駢羅於文陛臣某等塵聯烏府迹
造鷓行進封事於銀臺慙稽袞補紀卜年於寶曆欣
對嵩呼

正旦賀興聖宮表

帝歷開天祥發貞元之會母儀法地源疏河海之涵
百物順嘉四時叶序中叙陰功庇世懿德承乾肇聖
緒于姜嫄彌虔祖武刑徽音于太姒益衍孫謀茂綏

獻歲之祥膺保履端之吉臣 某等 遭逢世泰綴列朝行官備中臺王朔願敷于錫福慶隆長信民功仰荷於資成

賀建儲表

伏以天潢毓德聿開聖嗣之隆廟祐承祧爰啓儲闈之慶祥臻泰道福集昌朝 中叙 迪德堯仁躬親舜孝日麗乎天而明兩益紹重華帝出乎震而洊雷彌嚴繼體乃眷元良之懿式膺監撫之崇臣 備立烏臺趨朝雞曙前星奏瑞載瞻青輅之旂太極含元筆衍黃圖之籍

賀春宮箋

甲觀儲祥肇泰始含章之慶春官正位受少陽體德之尊神器有歸宗祧是賴 中叙 生知忠孝夙稟溫文躬問侍之勤德已昭於帝胄膺監撫之重道允叶於皇猷承華克紹於丕基建本方隆於大寶臣 某等 居侍從喜際文明鶴禁景遲願早親於四學雲門樂奏期介祉於三官

監脩國史賀正表

瑤圖撫運紹開致福之祥寶曆乘時肇序體元之始大鈞播物淑氣迎和 中叙 道洽百今性資文武潛心

帝王之學聖敬日躋合德天地之仁皇猷允塞歲事
 啓成於農扈治功端本於王正臣其等辱備台司監
 綜史氏觴稱萬歲樂快覩於龍光書載三墳期永垂
 於琳筆

賀立后建儲表

冊建中宮體黃裳之居正祧承長器仰蒼震之儲祥
 國本以寧壺儀攸叙中叙聖資神武玄德欽明美教
 化厚人倫允叶相成之義奉宗廟承祭祀丕昭繼照
 之明慶洽三宮懽騰八表臣其等職塵仙館班遣帝
 廷運值上元盛典並行於吉日天開泰定顯謨已著

於初年

箴銘

書櫝銘

農善鋤鋤匠利斧斤其器既精其績惟勤以食以居
 可必於惰士不農匠崇文著書濟濟間燕明世所須
 秘冊于櫝經史百家內沐其澤外芬其華漆梓勒銘
 以告弟子我承庭訓敢不礪爾惟天精明不嗇於
 惟物淫昏乃迷厥真匪聖匪賢曷先我覺匪訓匪辭
 我孰從學曰我祖考奕葉顯揚革我世俗維文是將
 迨茲百年士而不民我辭諄諄庶大爾身

二百六十一
書几銘

木也材漆也堅工之良其成器也完吾克有之利於
燕間之觀

居室銘

苟居室也敬則疇之可訂苟學古也專則疇之不傳
有幽者神有穹者天將寵綏之爾益勉旃

鞞然亭銘

維茲世人時化物遷雜沓紛至攻于吾前吾乃應之
而一鞞然其鞞者何不吳不教不震不譁順受維嘉
豈嘻笑之怒者耶

龔友輔續古齋銘

古有道載諸辭我續之徵於斯維友輔篤古學子為
銘聽毋藐

舟箴

伐木于山既斧既鋸于綴以穎金于屋以編管杵堊
縷泉研桐之脂塗于木間以禦外波不舩而剝不趾
而趨南國利之以載以居不車不廬越紀彌章矢溺
溷濁汙海若之宮馮夷乘顛軒輕上下萬緼千纏不
施其功卒不思改圖由是言之水豈不仁哉

題跋

書程太素彈琴詩序後

古堂上樂皆亡獨琴在今之琴雖盡非古意然猶愈於亡也省菴周先生謂余言汴士程太素雅善鼓琴群髦方聲其工被訶詩間予盍賦之予悼道不傳續綴事方殷不能為韻語俾太素絃之省菴周先生其無庸病我

跋夫子擊磬圖

天地日月不容繪畫而松雪翁寓意於翰墨之中吾固知其歎荷蕢之非真知聖者也

記御史臺題名後

天曆初有制命御史臺具石題名聖言渾灝有訓有戒天聰明達照知物情而文字簡易蓋堯舜都俞之音也天地之大日月之明何德以象之臣趙世延既承詔為文至順三年九月日臺臣等謹敷宣德意列載如上維時長貳曹屬之次仍列於下後之來者尚徵於始而繼之也且人之善惡咸在是亦懲勸之義不可廢也嗚呼慎之哉

題松廳事藁略後

昔祖常承乏察院初官未熟時事徃徃篤信古道動輒得咎言秦州山移之變則得奉祠太社論鐵公丞

相廢法擅權則謫官開平嬰虎口之毒擯斥五年幸
遭遇天日清明更張化絃凡是同惡姦狀顯露善類
彙進衆賢登朝而祖常忝備召用待罪詞垣暇日偶
繙閱書篋見有章疏舊藁數十紙因繕寫成一編祖
常詎敢賣直要譽庶亦存愛君憂時之萬一云耳名
之曰松廳事藁略者明其與同官論列者皆不記也
至治三年端陽日浚儀馬祖常識

跋誠求堂詩

得龍之嗜龍可以養知馬之畏馬可以舞彼含氣之
不靈而我得其精是用乎誠况靈於彼者可不以茲

小邪

章疏

請慎簡官寮疏

伏觀延祐三年十一月十九日皇太子正德壽宮百
司上箋稱賀禮畢欽此列聖繼統治功大洽六恬武
熙百年于茲矣聖天子高覽古今軍國之幾蚤建天
下之本日月之明無以比德皇太子殿下溫文仁孝
天賦美資急宜招延天下賢德雅望文采博通之士
朝夕起居以侍左右輔養熟美薰陶冲和三代紹述
厥要惟茲傳云成王始為太子也太公為師周公為

傳召公為保伯禽唐虞與苴目不闕淫豔耳不聞優
 笑居不近庸邪及燕君也無私既定游習已成雖有
 放心不能奪已成之性公至天子殿下春飲鼎盛神
 明日彊道德之言公與之爭當豫講而運親其方不
 過求賢而已伏公之德也立官察之時公集大
 臣覈求名貴相副公之德也立官察之時公集大
 海之望所謂下官也公之德也立官察之時公集大
 冗瑣之流天下休戚之憂實在於此卑職草萊賤士
 誤被採擷敢不盡言也
 請量移

樂刑政治國之具有一不脩則弛法度欽惟國朝
 有天下以來不嗜殺人仁覆生齒涵濡煦育洽然大
 和而於用刑尤切慎重然伏見近年頒降德音中間
 屢無量移流徙之文竊慮聖人愛物之仁推恩未悉
 有傷至化夫大辟死罪或被赦原釋然歸保妻子而
 減死流罪竟無寬宥不得生還里閭此豈法之平允
 哉乞今後如有例合長流罪惡別請定擬長流條例
 其不長流者亦請驗情輕重度地善惡每遇恩澤輒
 行量移如蒙檢舉典故施行則天下生靈幸甚

辨王左丞等

三百五十四
竊聞傳云王臣蹇蹇匪躬之故國家實賴焉夫便佞
辨給徒利一已視國與民漠然如無情者國家何補
哉伏見中書左丞王伯弘前中書平章政事拜住曩
在政府常以直言正色力持公平與權臣帖木迭兒
抗論可否若此二人其國家緩急之際剛毅不屈信
可倚仗宜從憲臺聞奏將二人擢實機要不令外補
實社稷之計

論執弓矢禁例

近承奉照會該欽奉奏准禁約漢人百人以上執弓
箭打圍處重刑百人以下流遠方微及一兔之獲罪

已有差竊謂作法有名垂訓無弊且今日見行條例
已有禁漢人弓矢之科又有禁諸人聚眾之制若復
以上項打圍處重刑等例錯綜而網羅之誠恐愚氓
舉足陷罪難避易犯實為可憐而朝廷受禁人捕獸
兔之名尤為非美宜從合干部分檢舉禁獵園地舊
規遵守施行不勝幸甚

論秦州成紀縣等處山移事

伏見議遣大臣馳驛陝西賑恤災異祈謝岳鎮卑職
叨冒言路敢有愚昧謹用敷請夫山移大變實惟天
譴是為不動之物而動大臣以下各宜辭避官位推

二百六十六
讓賢能畏懼脩省表奏待罪度乎對越上帝而為縣
延丕基非但遣使祈謝賑恤一方一隅而可彌災也
竊又聞之應天以實不以文昔師曠對晉平公石言
之語載在方冊世世為監今山移之譴理無虛示豈
非在野有當用不用之賢在官有當言不言之佞所
以感召不動之物而動毒延庶民甚可哀痛且端木
首善在乎幾微萬物咸遂百職共官然後高下真位
山川宅寧伏乞憲臺早為敷奏任用賢才相應

舉翰林待制衣楠等

上件官學問究極乎研經文章繁著乎當世脩國史
則足以宣揚聖業代王言則足以潤色皇猷又次翰
林屬官誠為淹抑翰林脩撰陳觀性稟端方操履嚴
慎使之居糾察之地必能振舉職業不苟於事前國
子司業吳澄知經傳古學術淳深求之海內可謂名
儒如蒙擢置兩院以備訪問相應

記序

小石山記

岳鎮之列居四方其間出雲氣神物變化靈異以之
順成年穀滋益品類者大矣至於巒壑之美岩穴之
秀木榮泉清珎禽閑獸之所託依往來仙真高人之

三百二十七
所棲宿是皆有以寓游觀樂放逸在君子之所不可
廢者也淮以南諸山石礦而不瑩予得小如盎者一
鑿器實水植之其中亦磊落峻拔含蓄雄偉可喜也
彼雖不能如岳鎮之大出雲氣光景神物變化要受
封祭然世或欲捷淇竹以塞河決鍊五色以補天漏
則予斯石也其能無尺寸之功歟

石田山房記

桐栢之水發為淮東行五百里合溲潢山谷諸流左
盤右紆環繚陵麓其南有州曰光土衍而草茂民勤
而俗樸故贈騎都尉開封郡伯浚儀馬公實嘗監焉

之子祖常少賤而服田于野以給饘粥鄉之人思
某郡伯之政念其子之勞而將去也迺為之卜里中
地函其葺屋而俾就家焉屋之側有崇丘可六七丈
溪水旁折而出岸碕之上嘉樹苞竹蒼蔚蔽虧前為
木梁梁溪而行周垣悉編管葦門屋覆之以茨歲里
隣酒食往來牛種田器更相貫貸寒冬不耕其父老
各率子若孫持書笈來問孝經論語孔子之說其耕
之士雖磽瘠寡殖不如江湖之沃饒然猶愈於無業
也祖常者因樂而居焉於是名其屋曰石田山房且
自為記與圖以屬當世能言之士請為賦詩異日使

淮南人歌之

小圃記

余環堵中治方一畛地橫縱為小畦者二十一塍崑
崙奴頗善汲晝日絙水十餘石并新浚土厚泉美灌
注四通陽春土脉亦墳起古所謂滋液滲漉何生不
育者信矣哉雜蘆菴蔓菁葱薤諸種布分其間柵以
稽薪限狗馬越入蹂躪圃在前時為故主馬苑土有
糞合水之膏澤併漬之後菜熟芣羹以侑廩米之饋
餽吾於世資蓋寡取也如是可日計矣學子汪瑄曰
鑄鐵作齒綴于橫木使土平細尤宜菜余謂不然上

力完則殖繁若力盡則亦不殖矣因為小圃記

上都翰林分院記

天子歲省方留都丞相侍省中率百官咸以事從
分曹釐務辨位考工或陪扈出入起居供張
執橐鞬備宿衛或視符璽金帛尚衣諸御物
為小心寅畏趨走奉命罔敢少怠而必至給
之日迺得一休也惟詞臣獨無它為從容載
傳道路續食持書數囊吏空牘旬日不一署
夜雖欲求細勞微勤以自効而亦無一然後知
人不欲役其心使之研精於思慮而專以文字

業非如衆有司務以集事為賢者也至治三年汶陽曹公子真分直學士院實應從行祖常攝官待制聯屬以借上日懇譏薄無以稱其官幸遭逢國家治康內外清謐臣隣庶耻不煩訓誨蠻夷懷柔不待約束所以敷宣播告之辭猶慎且簡間為民為歲而祠其詞之祝亦不誣神而夸故其意質而文又寡是以益積其蘊蓄而不得肆發而為歌詩以形容國家太平之功乃更相與樂其秩之美而憇其被光寵於明世也吾徒之服是選者良亦榮矣夫良亦貴矣夫可不研精於思慮以俟上之召必昭渾噩之實而列陳之則庶乎不戾於躬也不戾於躬則於古也近矣志諸壁因以存故實云

禮部合化堂題名記

凡職事官悉有司也惟六官隸丞相府分領庶務頒降文書春官典禮古秩宗之職或謂之南省或謂之儀曹其視五官非獨有司之事焉天子祠郊廟則贊相中書論制度則與議朝覲會同之班簿聲名文物之品節咨辨位之名數稽載籍之推本莫不於是詳定焉褒崇旌異勸善成俗報德尚賢尊右儒學之義咸敷大而涵煦之優柔而裕養之生而不殺之道存

三百七十五个
焉與夫饗膳醴齊之薦于上餼牽牲牢之饋于下以
仁睦親以德體物分吏以上四方之職貢專官以比
四方之賓興嘉穀靈獸獻禎奏祥皆附以達彬彬乎
華要之地而大夫士之高選矣天曆己巳皇帝御極
之明年飭百官脩職禮部奉命惟謹乃相告戒不敢
怠於事登公堂而更相命曰傳所謂禮樂合天地之
化者豈不謂茲類耶請用合化為禮部公堂之名記
堂之始遂亦署官名之員聯屬之次於左方云令甲
尚書三員侍郎二員員外郎二員主事二員令史十
九人通事一人國字譯史二人西域譯史二人知印
二人奏差十二人官並載其姓氏序遷之由令史以
下因制以具名俾後之人有徵焉

察院題名記

審官之法既壞仕者雜出而天下始不治矣或因緣
時貴以取進或多貲以交結變易詭詐佞媚側辟一
朝居位而臨民民烏能償其積貪乎世祖皇帝至元
五年立御史臺設監察御史振肅庶官糾劾貪邪以
繩吏牘以除民瘼當是時宋尚未納土餽饗供給刑
書四馳中原數十百州日以飛輓為事自漢唐之主
觀之當以軍府為急矣而我世祖皇帝憂民方深不

三百八十一
俾瘝官毒我黎庶則雖堯舜明四目達四聰者豈過是哉列聖相承成法具在天曆皇帝登極顧御史大夫帖穆爾不華若曰內外非臺察則官以墨敗者無由而知貪何以懼姦何以發乎汝可於臺院殿院察院刻石以題名焉嗚呼天曆皇帝丕承世祖之謨烈詔臺臣三院題名者臣祖常才雖譎薄不識帝王之度要非夸以示人必勸之以善而懲之以不善也名既刻矣後來者有目為材御史者有否者則為御史者可不慎哉臣祖常於是而知天曆皇帝帝王之度也守院御史脫脫王德新請曰石既具矣請以爾言為察院題名記起自至元五年至至順二年監察御史姓名咸列于左方云

送崔少中序

談者謂近世治賦之臣率多弄刀筆畫籌策日夜屑屑析毫毛利害飛文舞書陽與陰掇一有豪傑魁偉之士學古之人以仁義為說者則群笑目譏指號狂惑恐斥去後太師長史燕國崔君以今年春提舉山東鐵冶將行天山馬祖常曰子好仁義說久矣持仁義說往治東賦是舞干羽而戰也是擊鐘磬而田也或曰不然夫操戈以入人之室雖三尺童子亦將召

字三百三十八
徒而拒之使之端委執綬揖讓下車而問館焉則盜
跖有所不敢辭道之於天下如是哉道之於天下如
是哉遂系以詩曰

衣之華兮雖絢而章道之華兮雖闇而光有美一人
兮佩鏘鏘捨我而他其何可忘

國語類記序

結繩不施書契有作科斗鳥獸之迹籀篆隸分及今
之書雜然並傳觀乎黃帝帝嚳而下迨晉楚列國其
間貨錢刀布鼎彝敦簋誌記銘刻文字形畫之殊極
六書制作之變曾不少相襲體而其聲文音義相生

相成百世一道我國家造蒙古書因天地自然之數
以成一代之書求合乎先王之意而不梏於人宜乃
列之學官置博士弟子員教授不廢是以近世之士
鼓篋而游學官者嘗比於孔氏之徒焉太僕經歷持
廣平張大卿所著國語類記若干卷來請曰是書實
古轉注之義為多切講此有年矣大卿乃能綴緝本
末成一家言凡國語之引物連類假借旁通者班班
具焉子盍為我序之祖常曩讀曲臺所記及漢急就
章諸篇等知世之古今文字論列辨博纖悉畢載何
則其資寡者其中竊其籍厚者其內充則大卿之為

字三百七十六
是書後世稽古者尚有考焉

游經歷字序

游氏為河南望族河南祖常父母邦也宜知游氏為甚悉始辨章公起家以清德素業教諸子皆恭儉守家法傳數十年不殄而愈熾以及其孫僕僕年弱冠即筮仕為監脩國史叅軍宣政院經歷僕曰子知吾家世吾且有請先是翰林姚公名予曰僕矣而字則未有也願有以字我祖常曰惟古之道冠而字於阼階禮之意以責成人也今子官于朝有年矣庸籍乎字為也雖然子有命所不敢辭請字曰嘉賓夫僕主人之貳也古之人相見而讌飲也主有僕而賓有介焉僕能脩主人之辭以致乎賓賓以授介介亦有以復焉於是乎宣禮節合文章觀辭命整容體油油然大順生人道成矣嗚呼其義顧不深哉是則曰嘉賓如之何不可尚思有以實之

王夫人貞節序

集賢待制兵部郎中康里巉之外祖姑王氏故贈上護軍琅琊郡公之女故御史中丞勳國文正公女弟陝西行省郎中劉天瑞之夫人也夫人十四歲嫁劉天瑞又十六年而夫死又二十六年所有司上其

事於丞相府旌其門焉嗚呼甚至禮之可以善俗也古者婦人夫死已稱曰未亡人則是欲從而死也今王夫人始為顯官女與婦也則夙夜敬事脩飭工容及其夫人沒也則疏布被體號泣若將終身嗚呼婦人之行盡如王夫人則俗豈有不善者乎然善俗之道視其上之禮如何爾上之禮既已敷錫導揚表異褒美書在官府名在州里凡所以善俗之道者亦云至矣而縉紳學士讀古詩周知先王善俗之意相屬而為之詩以宣昭天子人倫之化且使民有所歌詠而觀感焉是亦縉紳學士之懿德也為義固不偉歟

送聶道元詩序

少之時隨親提携往來宦游江淮之交續古績文視世之進取不屑也及官浮光祖常年已二十矣旦夕侍出入吏來白事嘗從廳事後竊聽吏多以名呼私甚薄之獨聶君道元先子每特稱其字焉私又疑之請曰聶君持筐籠曹屬獨字之何先子顧祖常而教之曰兒來前立吾誨汝言聶君異他吏當休沐下直跡他吏皆縱酒叫號市中道元服澣衣而講律義於家不出也斯可敬矣汝無忘吾言後其名曰大彰灼淮西山南部使者並檄聘之貢地官掾轉登臺郎奮

字三百七十八
迅騰拔出贊淮東憲府而祖常承太宗伯之職于朝
道元喜且命曰先大夫知我我之行子豈無言乎縉
紳之士咸已賦詩為贈矣子宜為序若夫壯詩人之
情性惜執手之別離則詩序之製也因情性之所由
以達乎人之親慨別離之相慕推今日以至于當時
則茲序之所起也敢以是為道元送別詩序

卧雪齋文集序

夫人之有文猶世之有樂也樂之有高下節奏清濁
音聲及和平舒緩焦殺促短之不同因以下其世之
休咎象其德之小大人之於文亦然然不能強為也

賦天地中和之氣而又充之以聖賢之學大順至仁
浹洽而化然後英華之著見於外者無乖戾邪僻忿
悻淫哇之辭此皆理之自然者也非惟人之於文也
雖物亦然華之大豔者必不實器之過實者必不良
必也稱乎求乎稱也則舍詩書六藝之文吾不敢它
求焉袁君德平之文可謂美矣優柔而不譁典則而
不質可以施之宗廟告之朝廷而今已死無及也其
子杲游於國學以余嘗從其鬼伯長甫官吏館而伯
長甫又好余甚者也請重序其父之文焉噫德平之
文世雖無知者抑何傷乎子杲效又橐而歸於越山

三十七六八
之下一日太史占候言南方有光氣上達于天者其必德平之文在其下也夫

周剛善文集序

六經之文尚矣先秦古文雖淳駁龐雜時戾於聖人然亦渾噩弗雕無後世誕詭翫骸不經之辭司馬遷耕牧河山之陽得中州布帛菽粟之常著而為史其言雄深唐韓愈挈其精微而振發于羈囿文亦豈易言哉柳宗元駕其說忿悵恚怨失於和平淮西雅詞晉問諸篇馳騁出入古今天人之間蔚乎一代之製而學士大夫皆宗師之宋以文名世歐王曾三氏降而下天下將分裂道不得全業文之士咸澆漓浮薄不足以經世而載道焉皇元隆平宣布文化姚燧元明善裒然在廷以文致位光顯而于今傳之周剛善彙其文數十篇俾予觀之質實而不窳藻麗而不華殫其思以志于文而未已者也茲將官南方故書以為文序而略告之

送雅琥參書之官靜江詩序

奎章閣參書雅琥字正卿取高科登朝廷以文學才諳遇知于天子出貳郡治以宣上德而脩百姓之務亦可謂榮矣然而有為不憚者謂正卿宜在館閣華

要與諏訪獻納發謀議佐政事而自効於靜江荒遠僻側隅山沈海之地孰失之歟余為之言曰中州大夫士吏南越者往往不樂其土其仕皆有苟且而無憂勤之心以其故政事解弛莫致其治教之意而蠻民與猺合盜廣西數都罹其暴天子宰相以靜江重鎮守臣未易稱任又知正卿嘗家衡鄂壁于其壤識其山川巖坎之勢市里田土風謠習尚話言之變害利詭冒儉良之形制其傾搖跳躡而導其善心必有素計也他日正卿以親老乞高郵便養而天子宰相特有是命焉夫以器官仕于朝出入禁籞為文學之臣

而治以所居已安所有事以正卿已嘗知之士素思一慮以勞其職以宣布上德而無事以憂勤百姓之務余知其必成在正卿之政為後來可法矣此正卿所當自致其 留教之言也天子宰相之所以命正卿者也又孰云正卿之聞性時廣西憲臣帥守嘗併力以勝盜勝則削骸戮孽擒反毒民使荆湘衡鄂兵以萬數卒殮焉正卿其特將除是而抑用之為小異也豈亦制而導之之素計猶不免為是也天子宰相任之之意其然耶孔子曰天下有道盜其先變乎亦嘗思於其言否耶繇鄂沂湘過衡麓

內集 中州文長卷二十二 二十一 湯 惠 寫

抵靜江吏者多中州大夫士正卿為余論其賢者曰
受命為吏大者專方鎮小者一郡一州起居靡有所
失食飲不侈以妄雖越南與中州不大異也豈當以
不樂而置官以不事利進祿耶儻曰余之言可豈得
蠻徭之為盜哉噫亦其民之幸也已於是不懌者與
館閣僚友及京師聲明之士各忻然為文章以美其
行而勸其無父于外以至其去處之情而言余為之
序正卿固喜任事者故次第其言以送之

中州名賢文表卷十七

